

漳州府志卷之五十三

人物五

列傳
長樂

宋

林通長樂人登鄉薦元祐閒廟學壞通作縣圖經鬻之得

錢二十萬以倡鄉人助新廟學

萬歷
府志

劉嘉譽字德稱一名岡官長樂人爲樂昌尉嘗受業延平

李侗之門子世南字景虞少從林之奇遊與呂祖謙爲

友秉禮以義鄉黨敬之官至吉州司理參軍

閩
書子砥礪

自有傳見道學

福州府志

卷五十三

人物列傳

林安上字民瞻長樂人歷國子博士累官福建兵馬鈐轄

安撫使廣東路經畧使因劾丞相汪伯彥黃潛善誤國

不聽遂致仕

閩
書

張本中字崇正長樂人紹興初知陽山縣勞心撫字循行

阡陌察其豐儉施之以政士人婚喪以歌爲禮本中嚴

禁之

閩
書

陳伯嘉長樂人紹興中以軍功任太和縣西平山巡簡累

平兇盜卒民廟祀之

閩
書

林案字國和長樂人通判紹興賑濟水災活二萬餘人累

官兵部尚書禮部侍郎嘗陳岳飛之冤乞再加褒贈卒封鄂王然以劾朱子爲世所短書 閩

鄭申之字惟任長樂人乾道五年進士官國子監助教朱子避僞學禁至長樂申之從之遊教授於鄉從遊甚衆立文行忠信四齋以處之朱子扁其所居樓曰聚遠福建

通志

林宗顯字孝揚長樂人乾道中知建寧縣聽訟精明用度省節興利除害有德於民書 閩

林楠字子長長樂人淳熙初爲姑塾教授爲太守楊愿作

福州府志

卷五十三

人物列傳

二

姑塾志五卷

書 閩

韓璧長樂人淳熙中爲瓊管帥始至釐籍薄征教以耕耨細官吏無狀者爲民陳禮義廉恥之意以開曉之又表從化者以厲不率出入阡陌勞來不怠期年民吏浹和黎人感悅乃作新州學海外之士皆有以自表於當世

朱文公有記

書 閩

劉世修字景周長樂人性恬退不樂仕進淳熙中嘗授承信郎監行在贍軍激賞庫尋棄歸留意黃老之術建德開堂列植花竹日與文人羽客觴咏談元妻兄陳自昭

爲相以有道辟力辭不就號慧觀翁年八十端坐而
閩書參萬
歷府志

王益祥字謙叔長樂人淳熙十一年進士及第歷桂陽建
康教授以陳傅良張杓薦擢監簿編修說書出知寧國
改處州時嚴僞學之禁丐祠去後提刑江東以里人陳
自強進相位棄官歸福建通志

陳彞字日華長樂人慶元初知汀州捐帑錢官田助養學
校減戶口食鹽價以紓細民作義塚千數掩遺骼亡歸
者俗尚鬼信巫至是亡敢犯禁弟映繼之一守兄之法

福州府志

卷五十三

人物列傳

三

尤銳意振舉瓦五營屋千餘閒甃清流路百四十里彞
嘗劾橋南山映爲竣工焉其先同郡陳粹知州事勸農
養士亦多所興革奏最爲天下第三賜書褒寵之民稱

晉安二賢云

萬歷府志

卓洵字士直長樂人慶元閒知秦和縣留心水利劾置沿
溪六閘灌田萬畝民至今食其澤福建通志

林伯成長樂人開禧中知真州築城五百餘丈鑿河深廣
之翼城之築自伯成始江南通志

林岳字仲岳長樂人淳熙丁未進士知汀州劾書院二所

與六邑士講訂詩書縣邑學皆有祠歷太常少卿閩書

趙以夫字用甫宋宗室居長樂嘉定閒進士歷知漳州始下車鄰愆猝至諸道兵咸會調度甚繁以夫應之裕如生擒其渠魁檻車以獻時賞勞吏士費千萬民不加歛漳民苦丁錢以夫奏以廢寺租代民輸真德秀深嘉嘆賞上其事於朝謂可爲守土者法詔從之知邵武軍平下瞿賊掃清溪洞嘉熙初爲樞密院副使承旨會歷官言是歲日當食季冬之朔以夫預奏修德以應之言甚切拜同知樞密院事時上未立太子以夫編類仁宗高

福州府志

卷五十三 人物列傳

四

宗定儲本末具載諸臣諫疏及舉行次第上之上曰此事實不可緩官終吏部尚書兼侍讀萬歷府志

陳伯霖字震之知泰州累官廣東經畧使龍圖學閣士嘉定中奉命使金以數言折服強敵人稱不辱閩書

陳有聲字廣宗長樂人嘉定進士尉上高時歲豐訟簡吏民安之邑士罕尋聲律有聲選詩賦百餘篇教以體裁

遂甲他邑閩書

張翀字蜚卿長樂人官左司郎中以文學廉能稱閩書

陳逢寅長樂人舉進士有文名授浦城簿孳孳職守且

代矣朝夕自立恭如至為浦城簿廳自南渡後無題
逢實始為之而請與德秀為記一四

李角字定國長樂人實慶進士累官潮州通判剛明果斷

決獄多所平反有遺愛於民萬歷府志

陳春長樂人官監察御史右正言以端直嚴重稱於時閩書

陳容字公儲號所翁長樂人端平二年進士官至朝散大

夫初令平陽從容簡易政務修舉時集諸生敷行經義

士風大鬯暇則與佳士論文賦詩凡山川勝蹟多留題

咏嘉熙閒通判臨江軍州以才名受知理宗入為國子

福州府志 卷五十三 人物列傳 五

監主簿去後人常思之賈似道欲招置賓幕容酒酣輒

卑侮之似道亦敬而不怒出知興化軍詩文豪壯尤善

畫龍子夢發龍興府判萬歷府志參江西通志

陳公榮字子華長樂人龜圖十三世孫初遊太學景炎元

年同子宗傳族子老成募兵勤王蒲壽庚作亂泉州幼

帝舟自泉趨潮逾年張世傑會師討壽庚公榮兵赴之

老成戰沒詔贈御史臺簡法公榮授福清縣尹宗傳授

提刑司簡法閩書

陳祖字富文長樂人洪武初以明經薦任新繁縣丞蒞縣
值疫大作祖省躬修政而疫息有老媪孫甫十歲爲蛇
所吞哭於道祖令具狀移城隍限日引蛇至公庭至日
果有羣蛇集庭下祖諭曰無罪者退傷人者留償中有
一大蛇獨伏不去以劍仰刃置地蛇乃就隕其首民以
爲異立祠祀之後擢光山知縣一日飛葉屢集案上取
視旁若有竅密令吏隨葉跡之果有屍公曰此必有葉
孔所爲也捕得葉孔果伏辜尚書來濟薦祖自代未及
用而卒

長樂縣志

福州府志

卷五十三

人物列傳

六

王堅字子正長樂人洪武初應辟至京試文章優等授湖
廣按察司僉事後以事左遷知忠州改澤州蒞政勤慎
興學教民頌聲大著以薦入待詔翰林尋除刑部郎中
以直言忤尚書開濟復左遷嘉興府同知至則問民疾
苦分憂革弊出女囚六十二人未三月放歸田里晚號
介軒有三山樵稿

長樂縣志

陳良字從時長樂人洪武中以明經薦授吏部主事永樂
初與同僚蕭儀田天變陳言忤旨下詔獄儀死良謫
趾尋復官遣闕潦東兵陳軍中弊政四事當軸忌之

大嚴州舟行有大蛇隨之良曰蛇陰類必有婦人窺此
到官慮因果釋囚婦非其罪者人以為神長樂縣志

陳仲完名完以字行長樂人洪武乙丑進士授延平訓導
改寧國永樂初擢編修尋陞左春坊左贊善侍皇孫講
讀仲完持身恭慎平居言如不出至討論古今據理是
非確不可奪仁宗在東宮嘗問其所長對曰職所當為
不敢苟有畏避仁宗甚重之嘗謂侍臣春坊中淳實如
陳仲完者蓋鮮及焉及即位仲完已先一年卒仲完居
贊善二十年不徙官楊士奇為傳惜之舊福建通志

福州府志 卷五十三 人物列傳 七

陳仲進字伯康長樂人洪武中授宜陽丞歷知江山縣入
覲以勘災傷忤旨被逮仲進曰吾以一身活萬命含笑
地下矣既而釋之而仲進已卒歸觀經江山父老泣留
衣冠以葬子孫遂家江山舊福建通志

林源字士仁長樂人洪武二十年中應天鄉試永樂初知
餘杭縣首興學校勸課生徒科目得人為盛均賦役緩
催科凡部使行縣詢林令莫不以公勤廉敏稱云杭州府志

林賜字伯子長樂人洪武癸酉鄉試第一永樂開教諭樂
平開學該博持守端嚴巍然一時之望饒州府志

吳實字仲美本姓林長樂人永樂辛卯進士授監察御史
立朝敢言不避權貴時謂之吳鐵面處州民因坑冶事
挾讎訐告蔓獄多人實奉命往按微服行察出無辜者
百五十人奉天殿災應詔陳六事惜民力節財用重爵
賞慎刑罰擇賢才嚴考課皆切時弊遷廣西按察司僉
事致仕卒年九十有三有樸齋集

長樂縣志

陳灝字繼周長樂人永樂丁酉鄉薦授松陽訓導改封川
擢監察御史疏劾左右姦貪置於法以僉事督學山西
轉陝西按察使致仕初灝為教官時同郡嚴烜薦其才

福州府志

卷五十三 人物列傳

八

於朝及灝為監察御史克舉其職故世以烜為知人

廣東

通志

高淮字秦仲長樂人永樂丁酉舉人貫通三禮嘗代邑令
作諭俗文為時所稱以鄉舉入都時同里姻舊多居要
地淮自守嚴正不往謁居國學數歲以祖母父母春秋
高乞歸養自稱竹所老人著書三十餘卷解縉馬鐸為

之序

長樂縣志

文政字子正長樂人永樂甲辰進士選南臺御史官終

山西按察司僉事文政剛果有為風裁整肅號一時賢

執法

萬歷府志

馬鐸字彥聲長樂人永樂閒進士第一授翰林修撰鐸少是受禮於鄭宣旁通易詩書子史百家靡不淹貫為文章援筆立就成祖一再幸北京獻陵監國鐸與諸臣勞艱不避獨任不辭仁宗屢顧學士楊士奇曰馬鐸可謂質實無貳鐸耿介伉直表裏一致處事平恕而臨義執言自奉儉約與人交盡誠閒暇鼓琴讀書名其書室曰梅巖

分省人物考

李騏字德良長樂人永樂丁酉鄉試第一戊戌廷對首唱

福州府志

卷五十三

人物列傳

九

授翰林院修撰耿直有氣節在內纂修在外典試俱以公慎著性孝事繼母尤謹與人交和而直人有過必面告之為文若不經意每出人意表甲辰忽遘疾少瘳聞成祖升遐力疾出哭臨或勸以疾宜稍護騏曰吾受主上厚恩不能他有裨益今龍顏天語不可復瞻聽矣如又不獲涕拜几筵臣子之情將抱恨無極何暇為身恤哉疾復作又奔繼母喪卒於家

分省人物考

鄭序字志禮長樂人正統壬戌進士歷刑部主事兵部郎中湖廣叅議時列郡歲侵荆襄盜起都御史督賦趣

朝夕序寬簡如平時曰寧我得罪不忍吾民顛沛也都
御史以序非理劇才牒吏部更任序遂乞休居家三十
餘年年九十卒

萬歷府志

謝士元字仲仁長樂人景泰甲戌進士授戶部主事督通
州倉陳四弊屢與監倉宦官忤天順中擢守建昌地多
盜爲軍將所庇士元以他事持軍將盜發輒得民有懷
券訟田宅者士元叱曰僞也券今式而所訟乃二十年
事民驚服作敦化勸學表忠三圖繫之以詩令民習誦
有兄弟訟田者士元取圖詩曉譬敦切遂感泣相讓考

福州府志

卷五十三人物列傳

十

滿吏民詣闕奏留有詔增俸一級以憂去服闋起知廣
信屬邑永豐地鄰處州處無賴千百爲羣越境盜礦將
士憚其驍曠不敢勦士元勒兵驅之賊伏鎗中左股裹
創復戰獲其魁塞礦穴而還守廣信四載擢四川叅政
進右布政宏治元年擢右副都御史巡撫其地土番大
小娃者將煽亂士元託行邊馳請其城賊恐羅拜道左
徐慰遣之歲大祲流民趨就食士元振恤有方全活者
數萬宏治初致政士元天性孝友勇於爲義旣得謝以
餘俸市田宅與兄弟共之一門同爨食指千餘兄弟三

女婿婚費皆已出不異所生闔內肅雍士大夫尚其

法卒賜祭葬著約菴稿及詠古詩四卷子廷柱明史

志

廷柱字邦用宏治己未進士授評事歷官至湖廣按察

司僉事卒年九十六廷柱為人謙恭樸素善屬文有典

則詩亦莊重能繼其家聲萬歷府志

陳惟裕字饒初長樂人天順庚辰進士官監察御史屢糾

大臣風裁凜然時曹石恃功橫行惟裕特疏劾之幾為

所危其文行尤著丁內艱卒以孝聞分省人物考

福州府志 卷五十三 人物列傳 十

黃熙字汝明長樂人初領鄉薦以父老不上春官登天順

進士復以母老乞歸養前後居喪哀毀骨立官南吏部

郎中長樂縣志

陳景隆字如初長樂人成化乙未進士授武康令改德清

中官奉使倚勢橫索景龍正色拒之曰吾官可去剝民

媚人不可為也擢御史彈劾無所避人目為真御史陞

山東僉事分省人物考

王有恬字德安長樂人成化乙未進士歷南戶部郎中出

為江西督糧叅議先時民逋稅皆由豪宗多攬代輸有

恬至卽下令釐革稅以無遺淮王就封國路經九江舟
費鉅萬有恬酌省其半後自免歸杜門三十餘年窮約

終身

長樂縣志

陳日光長樂人成化中爲海豐丞邑僻而習玩前政率因
循一切條綱斲壞姦豪不戢日光始振刷之抑強舉廢

綽有能聲邑人勒石以紀績

福建通志

陳崇德字季廣長樂人成化辛丑進士授清江令擢南監
察御史同官楊茂元以直諫忤旨禍且不測崇德抗疏
救之陞廣西兵備副使會柳慶種寇內侵督師討平擢

福州府志

卷五十三

人物列傳

七

叅政轉江西布政以逆瑾亂政賄賂公行引年歸子用

賢陽門知縣

福建通志

黃公用長樂人成化間爲監利教諭善陶鑄士類講論不
廢寒暑同舍訓導卒公甫爲貯諸生賻金適寇至盡掠
其貲獨所賻金故在也悉持以歸同舍子士咸服其義

行

湖廣通志

林廷選字舜舉長樂人先姓樊成化辛丑進士授蘇州推
官擢監察御史按廣西平寇有功遷浙江僉事歷副使
廣東按察使左右布政八爲大理卿以右都御史

廣不數歲遷南京工部尙書表乞骸賜軍書時值
三月給廩歲給役卒賜祭葬廷選爲人內明外寬
依於忠厚始理蘇州斷疑獄卽有能名在浙最久凡宮
舍所需必遣人于他省市之後觀風使者密廉有司多
強市民閒物獨林無有使者表之由是名益彰南臺交
薦洊陟大府兩廣盜起廷選專意招撫不得已始用征
討家居杜門自守奉身甚約時過其親故粗糲食之則
食人以此多焉

福建通志

鄭錫文字禹範長樂人宏治癸丑進士授義烏令邑有秀

福州府志

卷五十三 人物列傳

三

湖潞水灌民田久爲豪宗所據錫文至復之民像祠湖
側秩滿擢南監察御史以病請告逆瑾奪其官瑾誅起
雲南僉事上官治兵相攻錫文單車諭之咸服罪歷官
三十餘年苦節不渝終廣西布政子源渙字與聚正德
丁丑進士授刑部主事偕邑人林公黼陳談諫武宗南
巡廷杖幾斃公黼死源渙匍匐爲治其喪士論熿之後

官至建昌郡守

長樂縣志

陳讓字允恭長樂人父德隆以鄉薦歷浦江曹縣上海新
建教諭三十年清修飭已以師道自任讓宏治乙卯舉

人授石城令以廉明稱三載報政值逆瑾竊柄遂棄官歸弟讚字允揚嘉靖癸未進士爲兵部郎中遷湖州守廉潔自持擢貴州兵備致仕歸足跡不入城市弟談字允默正德戊辰進士歷任刑部郎中奉命慮囚瀚雪惟允權貴人以私請且脅之談曰國憲可斁耶請者恟誦已卯武宗將南巡談偕同官諫被杖瀕死出爲兗州知府至則賑饑懲黷士民安之旋以病疏歸卒於途子豪嘉靖壬辰進士爲新昌令以卓異召拜御史諫復河套廷杖出備兵外藩以病歸歲饑爲餽粥以濟民所著詩

福州府志

卷五十三 人物列傳

四

文人多傳誦

福建通志

陳文試字道長樂人宏治丙辰進士授臨川令首除豪

猾政聲大著擢監察御史時孝宗勵精樂聞讜言文試

上敬天修學十二事多見採行他所彈劾咸允時論分省

人物考

謝廷瑞字邦應長樂人宏治壬戌進士知瓊州府守郡數

載有經畧而心事炯然威攝峒黎民藉貼席瓊之父老

稱爲百世牧模萬曆府志

李時儀字瑞夫長樂人宏治間以貢知穎上省刑部

編戶增為二十九里民至今頌其善政府志

憲字有度長樂人正德丁丑進士憲性穎悟絕人有雅

量人敬之初授刑部主事司寇劉玉深器焉丁內艱歸

不入私室者六年服闋仍請告在家十四年其恬退如

此憲與學士方獻夫俱為郎相善也憲赴闕獻夫以議

禮驟貴佐吏部憲見之一揖而出獻夫以為薄已也遂

移數稽違待報逾年意在阻憲憲終不為屈人重其風

概後遷光祿丞卒於官萬歷府志

陳文沛字維德長樂人先姓林正德丁丑進士授工部主

福州府志 卷五十三 人物列傳 五

事歷員外郎中奉使三吳開白茆港築海鹽塘又督邊

儲皆有功詔增俸出為撫州守調蘇州擢霸州兵備副

使以陝西行太僕寺卿罷歸世宗初楊一清胡世寧李

承勛皆薦文沛才畧可大任而太宰汪鋌以私忌擠之

家居二十餘年不入城市子時範字敷疇嘉靖辛丑進

士歷刑部郎中出守夔州蜀民困於三殿採木時範為

之蠲豁存活千餘家官至雲南布政清約有父風福建通志

林公黼字質夫長樂人父母喪三年蔬粥不入內正德丁

丑舉進士授大理評事時諸曹諫南巡者皆罰跪闕前

諸姪又日以危言恫嚇聞者惴惴以故戶曹不敢出疏
工曹日諫者止三人獨大理閣署諫故帝怒加甚公黼夜
草疏時聞暗中泣嘆聲不顧比入獄黃鞏與語嘆曰吾
取友徧天下乃近遺質夫古人謂入險不驚殆斯人乎
公黼體羸竟不勝杖而卒世宗立贈公黼太常丞賜祭
錄一子入國學子逢春歷推官通判榮府長史所至有
廉能聲以母老疏歸

明史叅編
建通志

陳毓賢字則英長樂人正德丁丑進士歷工部郎以濟漕
渠勞績擢陝西叅議分守平涼鞏昌值歲饑多方賑貸

福州府志

卷五十三

人物列傳

六

轉兵備山西冀北流民多嘯聚山谷爲邊境嚮導毓賢
曉暢軍事至則招撫之悉解散近塞之地以寧代王左
右欲以冀北鑿河漑莊田毓賢不可賂以黃金數十劬
毓賢危言拒之轉廣西叅政左右猶犄結思田土兵倡
亂諸道會勦兵屢績毓賢按兵不動懷以恩信寇平督
撫方薦用之尋卒

福建
通志

李性字仲復長樂人嘉靖癸未進士知東莞縣不以家累
自隨政尙平易而公庭肅清吏胥望而畏之時勢豪奪
海內性追而歸之至民徭役悉均里中不設官至辰州

知府廣東通志

陳文禹字佩昌長樂人嘉靖六年以貢為龍游訓導性剛

介雖閭室言笑不苟與諸生以道義相勉厲取與一介

必慎諸生有貧無資者召至門下餼之纂衢州府志

高廷忠字允卿長樂人嘉靖乙酉舉人知奉化縣首刻法

之不便於民者十餘條每日戴星出入不務釣名惟順

人情宜土俗期於政行事集而已尤能節用不濫費不

苟取有餽海錯而潛置金其中者即默返之不揚於眾

其貞以律已而容人之過如此值夏旱步禱五日雨如

福州府志 卷五十三 人物列傳 七

注民賴不饑為立祠以祀寧波府志

林山字士仁長樂人嘉靖己丑進士授萬載令擢戶部郎

部長李某不習錢穀事又交通諸貴人屢有所請山持

不可李怒欲擠之山曹事辦不能加也李罷金陵梁材

代之乃獨賢山薦知徽州徽民賈四方富而喜訟牘刺

干請山一切謝絕斷獄明察民神明之期年訟減郡稱

大治擢廣東副使以親老歸養年甫四十餘山強毅有

節當官而行必伸其志徽人立祠以祀焉分省人物考

林烈字道近長樂人嘉靖己丑進士授江西知縣歷都察

院經歷擢守雷州有惠政濬湖渠海隄爲民利鋤墾
弱不避權貴郡人鐫石紀其績官終雲南按察使

廣東通志

鄭世威字中孚長樂人嘉靖己丑進士時臺臣缺詔選進士充之衆爭奔走世威屹然不動授戶部主事改刑部歷兩廣江西僉事浙江叅議江西副使四川叅政再起通政司擢遷都御史刑部侍郎所至有惠政而節操甚勵在浙罷臨海鹽稅數千石民德之在江西時夏言應召諸藩臬皆旁趨而謁世威獨不肯從掖門行撫按司道祝釐于上清宮世威前視祝詞乃祈相公嗣者遂不

福州府志

卷五十三

人物列傳

六

拜而出及言再相過武陵諸大夫方郊迎而世威弗往言憾之會言構禍獲罪嚴嵩柄國世威適官江西嵩姻黨占寺田千畝世威嚮以賑饑嵩手書求解不報其家人往來用郵傳者悉草嵩啣之遷四川叅政自投劾還嵩敗始起列九卿會詔採珠及珍石世威疏請崇節儉不報遂乞歸卒年八十有二予祭葬賜諡恭介

分省人物考

萬曆府志

李丕顯字憲文長樂人嘉靖己未進士丕顯初以舉人休寧教諭操行廉正日集諸生談經較藝士悅服之

登第知永嘉治劇理煩愛民養士賢聲大著擢南京御

史官終贛州知府

徽州溫州二府志合纂

石磐字民漸長樂人嘉靖丙午舉人初令臨淮審編里甲

招流亡復業其衆有吏部子過臨淮家奴索夫役破儀

門磬答之繫于獄留守太監令伏謁磐絕不與通遣人

來詞責磐復答之沛以西河決力主築白馬隄功成人

呼爲石公隄擢職方主事條邊事甚悉尚書霍冀奇之

兩廣倭亂磐爲嶺南僉事至肇慶倭陷雙魚所雷廉大

震磐躬督將士出戰復雙魚斬首一千五百生擒四百

福州府志

卷五十三人物列傳

九

人追餘賊於牛牯墩富林鐵場悉平之擢叅議督府欲

多叙功磐不可忤督府意罷歸著有菊徑漫談十四卷

福建通志叅萬曆府志

陳懋觀字孔質長樂人嘉靖癸丑進士知會稽縣甫數月

政聲流浹以憂歸服除適山陰令缺邑人願得懋觀遂

補山陰懋觀爲人廉靜寬和順民好惡緩征簡訟恬淡

若寒士邑當前令暴虐之後民喜若更生拜給事中以

言事謫推官調南京吏部郎中出爲廬州知府遇士以

禮斷獄不輕入人罪士民愛慕不啻會稽山陰也

觀 還渡淮舟覆不死人謂天實庇之尋卒于官越民祠

于 臥龍山麓 紹興廬州二府志合纂

陳安 字勉夫長樂人嘉靖乙卯鄉薦為衡陽令質直剛方

不能阿媚衡山黃御史按浙還過其邑苞苴甚盛以屬

吏 禮凌視之安不能平發其篋黃金充牣遂以狀聞即

棄 官去御史亦落職 萬歷府志

陳聯 芳字以成長樂人嘉靖丙辰進士司李金華擢御史

出 按東粵觀會城與島渚為隣下令築外城既而寇至

民 免于難立祠報功穆宗即位請停刑起廢言官罷建

福州府志 卷五十三 人物列傳 三

鳳 翔殿皆見採納張居正生辰百僚趨賀恐後聯芳出

遊 梵寺若弗聞者致仕無愠色居鄉無片楮至公庭廉

潔 自持風裁凜凜卒後子孫有不能舉火者 福建通志

謝汝 韶字其盛長樂人嘉靖戊午舉人初授錢塘諭弟子

翁 然稱得師歷令武義安仁以廉明著遷承天同知有

大 賈以貲結張居正怙勢不法汝韶得其罪狀置重辟

德 安守藏吏獵取民間金汝韶按治無所貸以持正與

時 忤左遷吉府長史時居正以葬父歸諸藩捆載為饋

汝 韶導王以常禮修暗居正大怒故事王傳以客禮見

有趙觀察者故居正黨希其意欲抑之如屬吏汝韶笑曰王傅之膝可易屈耶遂掛冠歸年方四十餘杜門著書有碎金集天池存稿子肇淵

福建通志參錢塘武義二縣志

肇淵字在杭萬歷壬辰進士初為杭州司理歷職方郎以艱歸補比屯司筦庫無私值大旱疏陳冗費諸弊數千言畧云不悉以閭閻有限之膏脂付諸闕豎狙獍之手語甚剴切神宗優之出督比河福藩之國青雀黃龍之舸千二百有奇肇淵操小艇前驅繕濬多方水道無阻眾以不譁歷官至粵西布政安氏亂隣警告急肇淵

福州府志 卷五十三 人物列傳 三

置官增戍繕備益兵散遣募卒不為粵擾粵人德之增鹽引悉宗祿抑土司服猩猩鑄錢征商抵派加餉皆碩畫也肇淵于學無所不窺為文豐蔚軒齋古文詩歌早年傳布江左所著有小草齋詩二十卷文三十卷雜著

雜錄數十萬言 福建通志

陳省字孔震長樂人嘉靖己未進士司理金華擢侍御按楚世宗潛邸在楚先是嘗一幸勞費困敝不可言會睿陵垣傾決意南行命少司空張直大璫袁亨往督工手畫宮殿廡廡規畫一倣京師費且萬萬計時世宗春秋

高儲宮未定駕欲遠出中外皇皇首輔徐階諷諍百端莫能得日夜祈死而已省乃上疏備陳楚中水患民死亡困苦狀不宜困于大役又言伊洛之墟淇水衡注陵谷變遷道路阻梗齊魯吳會曠徒白蓮教窺伏窺伺隙庭蘄黃郎漳盜賊隨在布散辰沅苗夷犴犛就就伺隙邊庭搔擾述諸可虞狀凡數千言走京師上之遂罷徐階語諸臣曰一言回天陳公之謂也先是張直至楚卽欲盡撤承天殿宇省爭之力張忿曰上詰違命誰任其咎省曰某甘斧鑕不累公也至是張亦感服萬歷初累

福州府志

卷五十三 人物列傳

三

遷右副都御史一日神宗問輔臣往聞毛伯溫賢信乎張居正對曰有陳省者今之伯溫也出撫陝西以艱歸再起撫楚楚中利病悉力興除大豪胡國瑞誘苗夷爲亂省疏請討平之晉少司馬居正歿朝論以省嘗受知居正糾省歸家居三十年卒大學士葉向高志其墓子所立舉人仕至憲副

福建通志

陳應春字汝和長樂人嘉靖壬戌進士初令東陽多惠政擢戶部主事扈從穆宗謁園陵視芻粟部署立辦權關潯陽紉立規制大綱不得羸縮其手出爲雲南僉事歷

廣東西副使叅政山東左布政使卒應春官粵西有寇功其在雲南也儒生楊霽訟其室人憑于妖應春城隍神驅之三日妖遂絕火其祠

福建通志

林世章字尙闇長樂人嘉靖乙丑進士上書乞就廣文得吉安教授敦行誼葺白鷺書院居弟子遷國子監博士又乞南曹轉南工部主事歷郎中以木衡督課真州平價懲猾立短載法收濱江浮屍瘞之置義冢買園供祀真之商民德焉代日行李蕭然尋請告歸平生語絕緣飾於世味一無嗜好身不衣帛分產義讓其兄暇則課

福州府志

卷五十三

人物列傳

三

耕灌園以義方廸子弟卒鄭世威銘其墓

萬歷府志

陳洙字伯訓長樂人祖時憲宏治癸丑進士僉憲湖廣抗

瑞死洙登嘉靖壬戌進士以部郎出守襄陽築隄賑饑

活民甚衆尋督學滇中遴選公明賑卹寒士改攝臬篆

滇撫以滇多亂犯者議概行重典坐死五百人洙察其

冤不肯署旦日且決洙夜叩轅門以官力爭乃得釋與

時不合罷歸旋起仕至光祿卿

分省人物考 叅雲南通志

鄭岳字永翰長樂人隆慶戊辰進士授華亭令擢諫垣

列侃侃大闢張進廷辱言官岳疏糾之奪一歲俸補

粵兵備時山寇猝入程鄉劫其令岳畫策誘戮其魁
醜悉散河源城圮岳為徙故城發廩賑之以讒歸後起

滇南叅政堅臥不起福建通志

謝杰字漢甫長樂人萬歷二年進士除行人冊封琉球却

其餽其使入謝仍以金餽言于朝而返之歷兩京太常

少卿南京歲祀懿文太子以祠祭司官代杰言祝版署

御名而遣賤者將事于禮為褻請如哀冲莊敬二太子

例遣列侯代帝是之乃用南京五府僉書遷順天府尹

以右副都御史巡撫南贛屬吏被薦者多賄謝杰曰賄

福州府志

卷五十三 人物列傳 二

而後薦干戈之盜薦而後賄衣冠之盜人以為名言進

南京刑部右侍郎二十五年春杰以帝荒于政事疏陳

十規言前此兩宮色養惟一今則定省久曠慶賀亦疎

孝安太后發引竝不親送前此太廟時享皆躬親今則

皆不前此經筵臨御聖學日勤今則講官徒設講席

久虛前此披星視朝今則高拱深居累年不出前此歲

早步禱郊壇今則園邱大報久缺齋居宸宮告災亦忘

修省節此四方旱澇多發帑金今則採礦權稅前此用

所存節今則歲進月輸而江左之磁江南之紵西蜀之

崩回中之絨率取之逾額前此樂聞讜言今則封事直
陳巖綸隨降但經廢棄永不賜環前此撫恤宗室恩義
亦如今則楚藩見誣中璫旋出以市井奸宄閒骨肉
親前此官盛任使無曠官今則大僚屢虛庶官不補是
陛下孝親尊祖好學勤政敬天愛民節用聽言親親賢
賢皆不克如初矣不報召爲刑部左侍郎擢戶部尙書
督倉場四方遇災率請改折杰請歲運必三百萬以上
方許議折從之三十二年卒初杰父教諭廷袞家居老
矣族人假其名逋賦縣令劉禹龍言于御史逮之杰代

福州府志

卷五十三

人物列傳

三

訊幾斃後撫顧禹龍家居未嘗修邠人服其量

明史

葉時敏字志卿長樂舉人萬歷中兩任烏程歸安教諭清
修自勵時有一二受餼者文不如律學使督過時敏以
身爭之竟得白邑令憐其清苦遺以罰鍰力却之束修
之入量給貧生或捐之以葺學墻整遺書樂器遷知程
鄉縣去士子爲立去思碑仕終山東運同

湖州府志

陳長祚字以介長樂人萬歷辛未進士知泌陽縣擢兵部
郎中筦武庫清覈積羨十五萬有奇立歲差之法備兵
榆林操縱得宜邊塞晏然官至工部尙書時熹廟兩息

子繼薨長祚請合葬省帑金數萬郎中萬璟彈魏忠賢
廷杖長祚撫之羣璫側目因請歸生平無崖岸捐築斗
門以溉南畝里人稱其盛德弟長進舉人同知長勉戶
部郎中孫翔進士中書闖賊陷京慟哭南旋審歲貢不

仕

長樂縣志

林繼衡長樂人萬歷丙戌進士知溫州府設策平伏莽之
奸措餉安脫巾之伍葺理學宮修築塘埭汰庫頭以便
僉收調折色以絕侵漁惠政傳於一時

溫州府志

江墉字思登長樂人萬歷壬辰拔貢授湖廣應山令遷江

福州府志

卷五十三

人物列傳

美

西臨江通判歷陞雲南石屏廣西新寧二州所至有政
蹟在應山勤教養臨江平稅務石屏遏土官之虐新寧
恤荒歉之災至今口碑不衰林下數年足跡不至公庭

時與鄉里族戚講明禮讓前後守令咸服其品焉

福建通志

陳訐謨字以弼長樂人萬歷辛丑進士歷刑戶二部出守

蘇州力抗大璫與均禮開濬野小港以便舟楫有豪猾
逞淫殲貞婦于江陷其夫以盜獄成訐謨鞫而白之抵
豪于辟無賴少年廣稱徹侯胄子擁傳而行所至具供

長訐謨縛置之土人以為神擢粵西副使卒孫達有逸

才隱白雲山不仕舊福建通志

沂春字泗哲長樂人崇禎甲戌進士令烏程前令馬思理以循良報最沂春繼之方正清廉有劉勝馬之謠擢刑部主事會行人熊開元上書言事忤時宰繫獄救沂春讞沂春秉正不苛時宰脅以利害不少動有旨以狗縱覆讞沂春仍執前議不變疏曰公道在人心臣讀何書守何法而敢欺君父尋獲罪罷職遂屏居出雲巖中當事稀得識其面以拂鬱喪明卒于候官之鳳岡著有瓏珞集二十卷出雲巖集十卷同邑有諸生石魁者字

福州府志 卷五十三 人物列傳 三

名海亦以節終舊福建通志

國朝

江雯字砥巖長樂人康熙辛未進士性孝友產業悉分諸兄弟知鎮平縣遇荒歲發倉煮糜計口分給全活甚衆丁外艱服闋補鎮原歲不登雯巡視郊野詢疾苦賑貧乏以勞瘁成疾聞母訃即日奔歸行李蕭然祀鄉賢

祠福建通志

鄭元禮字履齋長樂人康熙己丑進士知安邑縣邑人純樸廉介自持每事務寬民力以此不為上官所

悅巡撫噶禮中以他事解任尋開復需次都門者數年
安邑士民饋問不絕後復典舊縣一年陞行人司乞休
歸里

福州府志

卷五十三

人物列傳

三